

福清縣志卷十六

孝女

明

夏信北隅夏伯庸女性至孝知經史大義父病割股和藥糜以奉其父父歿弟觀明甫四歲信憐弟孤幼不忍朝夕離誓志不嫁哺撫孤弟後觀明爲糧長緣鈔累信容與弟謀赴闕奏鈔不便于民明洪武初詔逮繫獄信上封事擊登聞鼓伸冤上允所奏觀明始得釋放寧家信年四十九卒後觀明以

福清縣志

卷十六

孝女

子裕貴封監察御史究其所自皆信孝義完貞成之也其從兄都憲伸爲立傳郡邑士大夫傳誦之郭文祥曰吾邑御史鄔孟妻擊登聞鼓贖夫罪卒以烈著而夏觀明姊亦擊登聞鼓訟弟冤特以貞稱吾爲之贊曰鄔門妻夏氏女烈與貞垂于紀

論曰夏女不字而撫其弟且救之詔獄舊紀爲義貞特筆也然予揆其顛末弟幼撫之冤救之其以義矢貞無非愛親之誠也標之於孝爲宜

國朝

蔡引弟新安里滌頭人亂中同其父有知爲兵所獲
抵營下痛父危在須臾抱哭不捨觸主將怒遭刑
最慘自幸得死所矣至死猶乞父命叫呼不絕年
十六衆嘖嘖稱之以爲古孝女緹縈曹娥何以加
焉

貞女

學者率尊三代而三代政俗亦有不如此後世者江
漢之游女以不可求爲被聖化是則被化者亦不

福清縣志

卷十六

貞女

二

能不游也自洙泗之教興而男女之防始峻史籍
所載彬彬可稱矣然中壘作列女傳猶不盡以貞
卽其貞者亦皆人婦耳女而貞希聞焉夫婦而貞
固難猶曰有伉儷之好性也亦情也女則奚情焉
是純乎性者也吾邑山川峭絕風氣剛勁笄黛之
流以貞烈著者後先相望不可勝述多湮沒而不
章吾甚惜之乃若衿襦未結卽矢志以相從醮戒
靡聞遽捐軀而不悔此尤閨中卓絕之行恒情所
震駭者遠者毋論以余耳目所睹記或女而貞或

女而烈皆灼然可以對天日而泣鬼神使詠江漢者見之不知其咨嗟頌讚又當何如余故稍次其事以見聖化所被有如此焉非徒爲一邑光也已

葉向高

舊序

宋

林氏女鍾門人年十九貧不能嫁鎮帥達吉聞其美令伍長強聘于其父女誓不從俄而軍士叢至女據地哭曰嫁娶有禮師婚何爲者哉吾有死而已決不能爲若婦也帥知終不可犯遂捨之而去

福清縣志

卷十六

貞女

三

郭萬程曰鍾門女咏之者曰一女三軍無奪志二喬千古有羞顏豈不烈烈丈夫之槩哉爲風化助不少矣

明

陳鏡女平北里人許聘施元衡將婚元衡卒女聞之自經母救甦乃歸施獨處一樓日夜紡織親屬亦罕見之事舅姑以孝聞嘉靖四年卒年三十二巡按御史聶豹以節孝奏旌

陳蘭女平北里人許聘林招德未婚招德溺歿女卽

適林獨處一樓織布奉尊嫜機杼聲不絕每一布成人爭市之曰節女布貞守六十二載卒年八十陳細舉方民里人許聘新安里鄭從岳將婚從岳卒陳誓死奔喪拜哭畢卽獨居一小樓足不下梯兄弟相見亦不踰闕蓬首毀容面毛不去鬢鬢然下垂望之不類人隣屋火將及人力促之避竟不聽曰死吾分也何避爲頃之風反隣俱燼而陳臥樓獸存觀者皆嘆異未幾翁沒庶姑遺允始孩賴陳撫之得活卒年八十餘天啓四年巡按御史喬承

詔奏旌

葉向高曰余遊福廬其傍有貞女塚詢之則陳鏡女也余爲之低回肅拜及檢故牘復得蘭女稱雙壁云至若陳細舉之貞心卓行動合禮法使爲士人得遊聖門斯顏閔之儔矣反風之報天殆假此以表幽貞余每至其地從鄉人論說其事故忻慕爲獨至焉

王淑京三山人督學王宇女許配平北里大中丞薛夢雷孫諸生高年十八未字高天女聞訃卽欲奔

喪其兄以未承父命不許亡何父卒于南都女縞衣茹素科髮垢容坐卧一小樓如是者九年兄知其志不可回爲請于其翁瑞泰翁乃立長子之子儻爲高嗣備禮迎女旣至謁廟謁翁姑受嗣子拜次日自爲文奠故夫于殯所詞極哀巡撫熊文燦讀其文大加嘆異以爲烈烈秋霜未足喻其志決也爲給扁旌其閭其初高有婢如珪侍病者也感嬾誼亦不字三年竟以念高嘔血死董司空銘高墓有云自古才而夭者多矣然未聞有婦若此者

况婢女乎王能貞如珪能烈皆可不朽矣厥後嗣子弟世復立儼之長子開衍爲嗣孫撫其成立聲籍鬻序卽趙氏有臣宣武復興何以易此哉

翟鳳翥曰王氏以處子而爲人婦而母而祖母垂五十年事上立下薛用以昌盧桓湛孟兼而有之讀告廟祭墓等語令人泪下則又貞而才者矣

張氏方民里人許配本里諸生周今泰泰崇禎己巳歲病卒氏聞訃慟絕拜辭父母素衣奔喪入門匍

伏靈傍藏刀割喉血流數升登時暈歿將殮復甦其母百計護之卒不得死丁亥屠城依堂第別駕張文彥家年踰六旬宗屬罕有見其面者氏以烈始以貞終洵女中之錚錚者故特表而出之

薛秋使化南里人許聘瑟江儒士翁省年二十未字省卒于粵女父早喪與母相依五年以死自誓母窺其志不可奪多方曲諭女乃毅然辭母歸夫家以老嫗自隨未至瑟江而日已暝四望山川有燈光織耀之異及抵翁門回視之皆滅汲無復存者

福清縣志

卷十六

貞女

六

夫翁亦早逝女至拜二姑如禮明晨出所積女紅備祭夫前追服斬衰三年日勤紡績以養二姑姑亡女以禮殯葬之而母氏繼背子身苦守險阻備嘗校尋常孀節女婦爲尤艱後歷四十餘年以壽終

國朝

郭庚宋方民里諸生郭文檠長女受聘于葉成彪伯子益萼尙未于歸丁亥臘海寇躡蹂阿翁被執伯及仲倉皇赴水死仲妻林氏亦未字卽時奔赴殉

烈女聞訃素服奔喪登堂拜翁姑畢哭夫靈側擗踊如禮卽誓死以殉念翁姑連喪二子季時未育無人侍養且哀痛阻止不得已遵翁姑命以節著一室之內足不踰閫及翁歿與姑朝夕相保養備至兼撫其季二十六年如一日云

游貴宋靈得里人許聘逕江給諫林雲京長子百嶠甫十四而嶠天女聞訃卽欲奔喪時給諫官都中家人以未得命固辭女遂偃卧一室朝夕飲泣迨順治庚子歲給諫得予告歸里卜宅三山是冬遣

福清縣志

卷十六

貞女

七

人之福唐昇百嶠柩置郡城西郊女衰絰扶櫬擗踊號天哀動路人旣歸拜翁于堂上泣請曰婦宜殉夫然不卽歿者蓋俟翁回爲夫謀一杯土兼冀仲叔有子爲夫承嗣未亡人然後相從地下耳自夫卒苦守五十五年霜行冰操皎皎人世堅貞如此卓有關於風教云

魏聚使宦街魏巒卿女許聘玉澗太學生陳傑子文學克潤幼嫺女史知大義未婚而克潤亡父母秘不與聞將踰年潤父亦卒訃至女見不列夫名駭

然曰得非死耶子生何爲遂絕食欲投繯者數父母多方勸解乃答曰兒陳家婦也卽不死亦必歸守陳門往則執婦道事姑克盡孝敬撫嗣男恩勤訓誨俾得成立自十六歲待亡歷三十三載年已四十有八居守一室足不踰閭闔婢女十四以上不許入三姑六婆輩弗接見其矢志靡他堅貞自守如此

王端英時和里王仕玉之女定婚于仁壽里松潭周元梅女年甫十四元梅夭折女自歸夫家矢志冰

福清縣志

卷十六

貞女

八

霜日夜紡績營葬夫柩享年七十有九擇夫姪允岳承嗣族人請祔宗祊癸巳本省主考謝旌以勁節疑霜碑

何婉玉時和里何介昆之女許字張登棟夫卒氏年十七聞訃歸張守節孝養翁姑課督嗣子孀居五十二年旌表入節孝祠暨坊本里洋盧

湯氏適松潭歲貢生周行次子澤澤本儒家子日夜苦讀書得瘵疾治弗愈訃至湯門氏告父母曰兒周家婦也周郎死兒當往守孝修婦職續卽君未

了事父母曰若能是乎吾願也遂往拜祖廟及翁姑撫夫棺哭奠甚哀居喪悉如禮日必潔修澆以奉堂上姊姒無間言未嘗以守節自奇柔順以貞盡得家人歡三十餘年如一日康熙六十年建坊新豐里泮中亭旌獎節孝

魏饒官魏方伯五世孫太學生魏晟之女許聘戶部員外郎江朝賓裔孫江孝朗未婚而孝朗亡女聞訃卽欲奔喪父母未之許哀毀終日蓬頭垢面兩目幾喪逾年不變堅請必往遂縞衣入江門守節

福清縣志

卷十六

貞女

九

一室之內足不踰閭親屬未嘗得一見飲冰茹檠二十九年邑人咸欽其節云

吳葵使時和里吳希樊女許字南土隅在坊儒士林煥康熙甲子夫卒歸夫家守節日勤女紅孝事翁姑訓督嗣男又夭折孫幼穉氏復撫育教誨不以一孤而稍存姑息俾得成立辛勤六十餘載建坊文興里東塘旌表其節

余聞宋時和里登瀛余廷子女許聘隆仁里東山儒士施維源年十九未字源卒家餘四壁氏聞訃奔

烈見老姑哭慟遂矢志守節不數年郎伯與嫂繼
亡男女四人俱幼氏勤紡織操井臼嘗遇歉歲并
日一食奉姑以甘旨撫姪成立並爲婚嫁姑卒時
八十有奇棺衾殮葬悉美備如禮乾隆十年又爲
夫營葬事今年五十有九

王興宋永福里王汝異長女許配儒士周君明年十
九未婚而君明卒翁姑年老女聞訃嘆曰天乎吾
夫不祿二老在堂誰爲奉侍余身許周郎既爲周
家婦當任周家事寧敢以一死謝吾責遂赴周門

福清縣志

卷十六

貞女

十

孀守孝翁姑擇嗣男撫養成立代爲婚娶建坊旌
獎

黃靜官曹縣知縣黃天箕女許配儒士陳文孫子恒
泰年十八未婚恒泰勤讀嘔血死女聞訃毅然欲
殉至夫家痛翁姑已故唯繼姑獨存又無郎伯叔
因相對痛哭不忍卽決視夫殮畢堅執婦道日奉
甘旨與姑相隨四十年如一日姑死喪殯盡禮訓
嗣男寒暑不輟乾隆丁巳邑侯莊爲請旌獎建坊
魏玉宋魏能理女適隆仁里李聖卿未婚夫卒女矢

志孀守四十餘年今六十有一

夏靜宋夏廷章女幼嫻女史識大義許配儒士施應權未婚而應權卒女年十八歸施門節守立嗣爲夫後嚙冰檠翼撫之乾隆癸亥嗣子殤女拊膺慟曰天乎藐諸一綫尙復莫保不亡何待乎遂白諸姑遍訣親屬投繯歿時已守貞七載矣蓋節與烈俱尤女中之異者

薛氏前薛薛如遇長女受聘三山王子吉次男大標年十六未于歸而夫卒聞訃即欲殉家人阻之不

福清縣志

卷十六

貞女

十一

得遂志乃在父家守節時父母年老弟幼饗飧不給女勤女紅以供父母年三十七而父母亡氏曰吾生爲王家婦死爲王家鬼奈舅姑已故夫無同胞兄弟吾亦相從于地下矣乃欲投繯遂志夫族聞之延歸夫家公立嗣男其薪米仍自爲計終身茹素病不服藥嗣男年幼訓以詩書禮讓卒年七十有一

方閨使時和里方廷任女配鳳嶺庠生吳則珩孫建夫天氏年十八未婚守節卒年五十八四十一載

中力勤織作歷遍饑寒而冰堅槩苦始終不易其操誠女中之罕觀者

黃容宋光賢里後與黃君造長女許配安香里縣亭郭孝謹女性至孝未婚時父造重病曾割股以奉藥糜及夫孝謹病篤又割股和羹封識寄遺以望其愈未幾謹故女聞訃奔喪哀慟幾絕念夫翁年邁期以身代供子職守貞茹苦竭力侍養既而夫翁病危氏又告天割股奉藥翁病獲痊迨夫服畢溘然而逝數載之間柔弱閨女節孝雙全真筭黛

福清縣志

卷十六

貞女

三

之傑出者時爲立碑道左以旌之

林靜宋方民里務後林以敬女許字吳航鄭孔木未婚夫卒聞訃卽欲赴鄭殉烈母苦口勸諭且持泣極哀女性至孝不忍傷母志遂在家貞守跬步不踰壺雖親屬罕見其面也居數年念寡姑年老泣拜母氏歸鄭以供婦職鄭門故貧寡無生計女勤女紅爲孝養資終身寡言笑苦節堅守歷三十餘年不倦閭里哀而敬之卒年五十有二以郎叔子

爲繼

鄭辰宋萬安里鄭元青女許字江陰里庠生嚴鏘長
孫伯易夫卒聞訃奔喪守節朝夕勤女紅執婦道
辛苦自甘撫嗣息有畫荻風

烈女

明

王瓊妹峰頭王汝采女莆人陳商聘之未婚而商卒
女告其母奔陳爲治喪居數載會嘉靖末倭寇其
鄉瓊妹被執不辱拾刀自殺倭義而殮之並釋諸
同執者

福清縣志

卷十六

烈女

三

張英宋龍田人年十六倭寇犯境被執罵賊遇害族
人過之恍見女寄言父母收其屍衆咸驚詫以爲
烈魂不死云昔嘉靖末

莊敬娘江陰人許配本里陳邦哲嘉靖倭變女被逼
赴水塘死哲取其屍葬之顏容如生哲尋遇害里
人爲之合葬

鄭近娘江陰里人許聘同里嚴仕擢父日乾以諸生
從所親司李劉鎮于粵西宦邸病故仕擢同其祖
迎喪于粵近娘私告其母日以一老翁攜一弱孫

爲萬里行甚可虞也仕擢扶櫬歸去家僅一舍竟以勞瘁卒于舟中近娘撫膺慟哭卽入卧內自經死仕擢祖迺其喪合殯于正寢昔萬歷間

魏聚金平南里人許聘東瀚林一蓮將婚一蓮卒聚金慟絕而甦趣往治喪親屬力阻之遂引刀自刎父母知其意堅不可回送之林望間號哭晝夜立柩傍哭不絕聲者旬日告于廟拜姑嫜而絕有紫白氣繞其屋經時不散人皆異之萬歷二十二年巡按御史陳子貞奏聞與近娘同旌

福清縣志

卷十六

烈女

古

陳龍姑江陰里人許聘同里嚴濤年十七未婚而濤病卒龍姑痛哭不食自經死昔萬歷間

林細銀永賓里人許聘王一法一法病卒細銀奔其喪死之萬歷四十一年巡按御史陸夢祖奏旌

陳履瑞平比里人許聘秦孟勤勤病故履瑞絕食製衰衣欲奔喪時已失母而父又佗出獨祖在難其行遂自經復自刎祖不得已送歸秦至則拜家廟抱柩哭猶手調藥愈其姑病姑強之食竟不聽則語之曰而翁且歸當俟履瑞唯唯迨翁歸出拜如

禮卒不食死時年十七距夫死僅十七日督學沈
徽煥行邑表其閭峇萬歷間

魏金妹六十都人配時和里何千石石先世贅六十
都林氏遂家焉千石有姊適魏卽金妹叔母往來
母家爲金妹言千石病狀金妹割股付叔母以此
爲何郎羹千石死金妹堅欲奔喪父母不許屢自
經皆以救不得死踰日金妹裹衰而外常服示無
死意家人防稍懈乃去常服投繯死廉州守何玉
成率其族人往迓其喪與千石合葬上其事于邑

福清縣志

卷十六

烈女

十五

峇萬歷壬子年

俞徽朱永東里俞衍祖女生而奇異舌文如蓮花受
聘于鄭濬元年十八已涓吉于歸矣聞夫病女遂
不食夫死卽縞素奔喪其父母送之鄭已密繫刀
于肘下車披髮哭夫以刀自刎姑遽奪之而喉不
斷流血丹地不死又以簪刺喉復不死自經將絕
姑又解救之竟絕粒二十餘日乃死峇萬歷戊午
仲冬至天啓四年巡按御史喬承詔上其烈事詔
旌之

方恭宋福唐里諸生方維藩女受聘于磨石黃土瓚
未婚而瓚死女年僅十四聞訃卽碎鏡臺毀簪飾
告其父母欲奔喪父母阻止不移乃服縞素徑自
步行父母遣輿追而送之將及夫里門下車步泣
入堂先拜翁姑遂披髮到夫靈床前跪伏慟哭引
所藏小刀割喉以殉去夫死僅八日皆天啓乙丑
季秋當道上其烈事詔旌之

何玉宋化南占洋人父早喪其母爲受聘於東瀚林
洪燹未婚燹卒女年十八聞訃卽告訣其母曰殉

福清縣志

卷十六

烈女

六

夫有日事親無年母泣阻曰爾遽忍舍寡母耶因
晝夜伺守之女密製一朱鞋繡並蒂蓮于上從妹
搜其篋得之則欷歔泣曰吾服此長寐耳又爲母
製鞋數十母曰何用許多曰恐兒不能長在側也
悲涕哀吟如是者五閱月佯告母曰兒今不死矣
強飲食言笑如平常母不以爲疑一日服親有吉
事勸母往賀乃將所製母鞋並絕命詩一首封貯
一篋以遺母遂投繯而死詩曰兒生十八秋舉止
有誰識願作同歸身謾言去太急林迎其喪與洪

燹合葬焉昔天啓丙寅孟春

葉向高曰玉宋死去方恭宋其時僅數月耳恭宋得速死且死於黃玉宋死稍遲僅以屍歸林非其志矣雖然唯其死遲而必死愈見其志之堅而就義之從容也

林采藻逕江人御史林汝蓊從姪魁夫女受聘于廉國燹未婚燹卒女年十七聞訃卽絕粒其父難之女曰兒無難一死第不欲死吾家耳因聽其奔喪抵夫家閉目不啓口經旬其父哭諭之日爾何苦

福清縣志

卷十六

烈女

七

節如此也女曰兒不難卒死第不欲惡死以相從耳絕粒三旬將革猶強起視手足嗷然一笑而絕昔天啓丁卯孟冬

王貞使永賓里前王王明柱女許配大厝陳大纓夫卒女年十七聞訃卽奔喪居三年坐卧只一小床忽一日起出堂上焚香哀哭數聲忽卽嘔血乃拜翁姑從容投繯而逝昔崇禎元年十二月也

國朝

何癸宋時和里龍田人許聘王三長何與王同地而

比隣未婚三長卒凶聞女請奔喪至則撫尸號哭
誓以死殉其姑因勸止之女始勉從執婦道孝養
唯謹迨夫大祥女乃從容謂姑曰婦所忍死者爲
從姑命以郎叔幼嫠姑無依耳今幸叔稍長服終
之日婦死之期也姑仍防之密女故給之防少懈
竟雉經而死昔順治庚寅十月

魏儀使楊林人受聘于尤溪黃金理未婚而理卒女
年十六聞訃服縞素別父母抵黃門至夫殯所撫
棺擗踊袖出祭文奠其夫一慟而絕絕而復甦至

福清縣志

卷十六

烈女

六

正月念三夜分乃掩扉引其夫旌帛結頸懸櫺上
身倚于榻拱手端然而歿昔順治十六年巡撫御
史成性具題奉 旨旌表

吳淑官玉塘人諸生吳夢熊季女受聘于施廷哲時
請期女忽夢鏡破卽心惡自疑旣而哲病卒遂葬
焉訃至女哀請奔喪父母難之索力自裁母持之
曰女未識面何若此曰身許耳何識面爲母曰女
獨忍苦父母耶如孝道何日是乃所以孝也遂絕
粒取飾金吞之父母知其志不可奪從之乃素車

就道從兄翁送者數十人皆縞衣悲哭女意氣慨然至施門拜祖宗翁姑更素衣往拜施郎墓及反姑曰恨不見郎面乎曰地下卽相見勸之食曰地下人食卽能食方夜自縊姑母解之至一夜蒙被復縊肉八寸餘血出盈縷至雞鳴不得死姑母驚又解之次夜復經于床繩斷不歿經于畫棟中夜屋震如濤久之繩解復不死衆咸悲憐聽其速死方碎金吞之不死嚼蘭根食斷腸草若死又不死自是水漿不入口者十三日臨革家具棺衾女猶

曰簣裹足矣厚無益端然含笑而逝年二十順治丁酉仲冬巡按御史成性按部玉融作贊代誌旨旌表順治十六年三月具題請

張丙宋平北里張鵬秩女受聘于龍江劉鳴和因海警兩家俱徙于三山女年十七未婚聞夫死父適外拜辭其母奔喪母送至劉拜謁翁姑伏屍號慟沈昏欲絕絕粒數日奄奄一息姑泣阻之女舍悲對曰婦死于夫分也然致姑于慟傷又貽夫以不瞑是重子不孝罪也遂強起奉姑姑善病侍湯藥

不親調不進服闋令更衣女泣曰未從其吉何忍
易其素後聞翁在融得嗣續女且喜且悲進而告
姑曰姑翁今有托兒亦得息肩矣翁欲歸其夫之
葬于融謀之女女曰可翁買素輿竹篋選期與女
隨行女曰毋煩更置予有轎但多催抬夫耳衆莫
會其意遂自煎湯取所預備金與毒合而吞之乃
拜翁姑曰非不欲扶櫬恐道途遙遠兼以戎馬雜
踏未敢以寡女顏面輕露人前耳蓋兩柩相隨兩
魂相依婦事畢矣遂怡

然以歿年二十順治十六年巡按御史成性具題奉

福清縣志

卷十六

烈女

三

旨旌表

高細宋平北里瑤江人許聘于斐江翁登墀墀力學
感疾死訃聞女父母歸里女在三山與叔父號哭
白叔父急奔翁赴翁卽死叔父曰女有父母未命
而行非禮也女飲泣而止使人往請父母父母知
其志以他辭緩之如是者四年泊內徙始至三山
女抱父母哭曰兒宜死久苟延至今得見父母死
何恨選日歸翁登堂見廟拜翁姑越三日治祭具
哭祭故夫墓所祭已將自裁姑持之勸婦曰叔如

已懷孕矣男也當爲子後且立孤與死孰難者女
飲泣而止已而姒生男喜曰翁郎有後吾今從容
就死矣念父母劬勞死無以報持血盆爲父母壽
乙巳正月十五日刺指血豫決死期疏于天至期
晨起沐浴更衣屍拜天地祖宗讀告文辭訣畢徐
入內寢謂姑曰是戊戌前翁郎死時也投縲而絕
年二十四兩院僉爲題

旌

陳瓊使永賓里陳蕙卿女幼失母事繼母如其母卜
婚于南上隅王奕超男名世一夕夢鏡破心疑爲

福清縣志

卷十六

烈女

三

不祥未數夕又夢人馳刺至則十九日訃也名世
果以七月是日訃于陳悉如夢中狀女哀號幾絕
告于父曰兒雖未適王實爲王家婦王郎死兒義
不獨生從此訣矣父悲咽不能答于是製爲縞衣
詰旦辭家人畢卽登輿去宗黨送者咸泣下女自
如無戚容詣王門襲吉服拜宗祔拜翁姑告成婦
也乃易服就喪次撫棺呼數語語不哀哀亦不泪
人謂新人嫺于禮者不鬢髻不哭踊何女曰是固
知之頃刻泉下人懼毀容無以見夫君耳尋入名

世寢室仍取初服服之仰視小樓有兩板繫繩以
經一瞬而絕康熙戊申二月二十一日也去夫死
僅三日年一十九

林玠宋北二隅諸生林兆機女五歲失母事繼母以
孝聞年十一許配西陳諸生陳傑長男歲可夫苦
讀抱疴女聞之輟食累日且燃香臂上籲天求代
晨昏爲常及夫卒女聞訃大慟欲奔殉母未之許
女曰兒心已死三閱月矣母知計決命輿且縞素
往輿未至先馳婢告陳曰陳郎當遲殯俾得覲遺

福清縣志

卷十六

烈女

其

容死當不恨詣陳門吉服拜宗祊翁姑已乃更素
衣就喪次展衾撫視呼而吊者三詢陳郎寢室入
曰吾得死所矣出纆于袖自經而殉昔康熙八年
六月六日也距夫歿僅一朝年二十有二

何福卿時和里何長嫻女受聘于本里庠士王學燦
仲子元愷元愷力學得勞疾于康熙甲寅八月卒
女于王居比閭也凶聞卽欲奔喪次因父往商在
外母早逝只有祖母耄及繼母在家諭以未請命
于父非禮阻之不果行女自是屏膏沐絕笑語者

邇年迨丙辰路稍通女擬父且得歸可旦夕從夫
地下越丁巳父仍滯外未歸女猶待也嫗以富人
子密來求婚女覺之遂閉戶投繯繼母救之甦泣
訴母曰未亡人所未卽死者欲待父歸永訣而目
瞑也今日已矣請命未能一死猶晚矣竟搯喉卒時
爲丁巳九月二十三日年一十九其翁學燦于戊
午春卜幽宅望北墓嶺迎女櫬與元愷合葬成其
志也

郭文祚曰余纂邑史女之以烈稱老二十一人

福清縣志

卷十大

烈女

三

後先接踵未嘗不嘆而奇之今觀于何女何其
心之純而行之正也方其聞變卽欲奔喪蓋已
許王郎以死矣以未請命于父不得行堅以待
三載刺血書懷必期父歸一訣而後死大禮不
踰心何純也乃密覓嫗言遂決計投繯不俟終
日所謂之死靡他者非耶大節凜然行何正也
從容慷慨兼而有之洵足齊芳諸烈余故續而
傳之以風世云

翁茂官瑟江太學生翁輔長女許配邑中諸生林實

彤長子輝祖年十八未字夫死時值變亂音陽女
夢髻髮少年面有憂色坐據東序心頗疑之後聞
訃女號泣幾絕日前夢果爲是乎吾奚用生爲屏
飲食者數旬家人勸之曰死吾分也更復何言過
數日又自經復爲家人救解父兄日令數婢更番
防衛凡可以致死之具一切屏遠不得死乃獨雲
一小樓手抄烈傳或數日不殮或強進一七形枯
骨立服縞素者三載一日恍覩髻髮少年前揖而
去因愴然流涕曰三年歲月非惜餘生實不獲死

福清縣志

卷十六

烈女

高

且未知林郎歸葬何所是以躊躇耳今又見告敢
稍延食息哉遂絕日不食臨卒怡然曰吾今始得
爲林家婦矣聲盡而歿年二

十有一時順治庚寅
巡按御史王應元請

旌

劉坤宋永東里劉有楨女宋忠烈公裔孫女卜字于
海壇右營林必勝男士悅悅性孝友仲叔其芸卒
于省悅冒暑運叔喪並護孀翁歸里積勞成病卒
訃至女大慟毅然奔殉父母堅留之女曰兒誓必
死死父母家何若死夫家卽徒步出匍匐行里許

肩輿乃至抵林門登堂拜祖姑及姑畢疾趨夫卧處獲睹夫面撫膺哀號守其屍終夜黎明問姑擬婦于歸何室姑指其處曰吾得死所矣將入室雉經姑苦諭曰翁汎江陰詰旦可返盍緩須臾遲翁至乎午刻翁返女四拜翁前翁泣諭以貞難于烈女曰夫死義不獨生相從地下志決矣候夫昨歿時以殉遠近觀者無不人人泪下女入室取繩繫于樑遽索飯強咽者三日生爲林婦死爲林鬼吾今得食林家食矣遂自經昔辛酉九月十三日也

福清縣志

卷十六

烈女

五

方正宋時和里龍田方于噐女許聘同里庠生張子儀男可育將婚而可育歿氏聞訃自縊母救甦請執喪于舅姑時甲寅變亂未具禮迎艱貞兩載夫服闋不除絕飲食八日自嚼舌斷而絕不瞑舅姑哭之許迎柩合窆乃瞑昔康熙丙辰

周墜官茂才周豫應女前相國葉文忠公耳孫信之未婚妻也豫應與信父學博起龍同學交契適兩家皆有娠遂指腹中爲婚年十八將婚期信病寢不起女聞之卽絕粒凶訃至欲奔殉母及家人多

方寬解知不可奪成白衣冠送之至則展拜如新
婦禮拜畢撫尸哭曰郎少待妾立相從耳葉宗族
具牲醴奠女郤之親索繩纏以帛遂自經時康熙
甲戌十一月二十有四日也太守王駿旌以其人
存扁額太史陳遷竊爲立傳雍正四年邑侯詳議
列憲崇祖節孝祠

劉貴宋尙驥女也甫十歲父母俱亡事庶母如已母
受陳振祚聘未婚祚卒氏聞訃大慟曰天乎何喪
我怙恃又使我失所天耶決志往殉舅姑造門辭

福清縣志

卷十六

烈女

其

曰余家貧勿重我苦也氏曰婦有布衣足以殯何
苦爲舅欲緩之因曰俟至冬氏從之屆期舅仍以
貧辭氏泣曰向所以不卽死者從翁命也今不移
矣乃自定殉日先期一日拜宗紡謝庶母及姑姊
妹就道抵南郊哭陳郎墓薄暮反陳門謁舅姑如
禮入內室坐待旦鷄初鳴曰時至矣遂慷慨投繯
而逝昔康熙甲子年雍正五年進節孝祠

薛瓊官福唐里西崑懷遠將軍薛崑山三女許配在
坊城隍巷儒士林守官未婚夫病卒女聞訃潔衣

服奔往夫家親隣見者知其必死也無不泫泫泣下而女渾如也撫摩大屍數四檢視棺衾曰如是足矣餘則隨身所服無庸加但多一棺耳遂投繯以殉女年十八邑侯張親往吊焉事在康熙乙未年

葉敬使雲山葉子璧女許字方輿里黃家皞未婚皞卒凶問至女知之卽素服往至則向夫屍哭拜曰婦人義當從一今生雖未能同室死獸不可以同穴耶夫親競勸之荅曰夫卒無依尚欲偷生以受

福清縣志

卷十六

烈女

七

人憐平遂投繯殉於夫歿時年十七邑侯李旌以扁曰天然烈性事在康熙己亥間

何璠宋龍田何芾女也適監生陳良謨子我炤炤病卒訃至女卽請奔喪父母難之苦勸不移曰父母愛女女欲守義無義而偷生何爲父母知不可回許之遂于七月十三日抵陳家入門謁廟拜翁姑易縞素詣夫

靈床四拜投繯而死距夫死方三日時年十八雍正六年進節孝祠建坊

旌表

林霽官務厚功加左都督林曜女許配石塘吳賢太

夫卒女年十九聞訃乃更衣毀容曰死吾分也忍
偷生人世哉父母滂泣慰留女志愈決絕食五日
投繯以殉合葬永東里西劉山紳士僉請

旌獎祀節孝祠

陳瑞華時和里何廷詩未婚配也廷詩年十六而天
卒女尙幼聞訃卽涕泣欲以身殉父母阻之曰此
身已許何卽死得同穴兒之願也不食八日而卒
人咸謂其年幼能知大義蓋天性有過人者邑侯
莊以取義成仁旌之

福清縣志

卷十六

烈女

其

林申宋文興里玉亭林濟侯女許聘于在坊東隅府
東境江允登長男振三未婚振三于雍正甲辰三
月初八日卒女年二十一歲聞訃哀請奔喪父母
初不許女志決知不可奪從之乃于閏四月二十
二日往江家拜祖宗翁姑及夫墓含笑殉烈邑侯
吳請祀節孝祠

任玉宋平北里南坪人許聘時和里龍田何奕昭未
于歸而昭卒女聞訃痛哭絕食父母苦勸不從竟
往夫家拜宗廟謁翁姑撫夫棺大慟遂投繯以殉

觀者咸歎息慘傷爲之泣下

何滿宋時和里何嘉寧女許配邑中林孝樂未婚而夫卒女慟哭不飲食欲往殉夫家父母及姑姊妹勸諭不從送至林門從容謁廟拜翁姑遂經于夫靈側邑侯陸旌以貞烈可風進祀節孝祠

薛紹宋厚卓薛希年女許配逕江林干學女年十八未于歸而夫卒聞訃日哭甚哀即欲死父母止之曰汝年幼且未識婿面何死爲女曰旣通名矣卽爲林家婦忍偷生乎遂往先行媳婦禮從容投繯

福清縣志

卷十六

烈女

七

含笑而逝

許瑛官永東里東塘國子生許肇鼎女許字文興里玉塘太學生吳天擎三男吳觀餘將于歸夫忽染病卒女聞訃卽欲往殉適母懷孕已八月矣父諭之曰爾欲殉烈以自完爾母若生產誰爲我奉事者女敬承父命不得違屆期弟生女日夜奉母不懈彌月後赴夫家從容就烈建坊文興里

小孤山之麓以

旌獎焉扁曰閨秀剛方

歐端宋庠生歐翼女許配玉塘吳大生三子士禮未

婚而禮病卒母匿之月餘烈恍惚若有所見夜不成寐謂母曰兒適日心動神悸頃夢日落山崩不祥兆也得母在吳郎乎母度不能隱泣以實告烈大慟坐達旦欲奔喪母使聞于吳次日請吳門先謁家廟拜翁姑次奠夫墳擇嗣男禮畢從容登堂自經年二十二時康熙乙未六月十二

也邑侯張親往吊請

旌祀節孝祠

陳龍宋杞店陳于貴女許配務厚林嘉魁未于歸魁染癆瘵病醫弗效竟卒凶問至陳方執女紅哭謂

福清縣志

卷十六

烈女

三

母曰兒失所天若得一面死弗恨遲恐殮矣無及母固止之女大慟曰母生兒身何不知兒心耶決欲往遂于次日赴夫家撫屍痛哭逾時親屬咸力爲勸諭女默然不一言從容出袖中縵繫櫟土先以頸就試遂身殉夫屍旁觀者莫不欷歔泣下皆雍正甲辰閏四月十四日也

方珠宋許配北隅夏日陞年十九病瘵女聞之隱自恚陞死家人匿不使知女微覺之夜于燈影下髮髻一少年將向揖熟視焉忽無見遂意真郎果死

也因詰告以實慟哭幾絕少甦即欲往殉父母苦
勸絕粒累日乃許之即往謁翁姑撫夫棺大號夫
族生奠家堂女荅禮色不少變從容投繯死邑侯
徐爲請

旌郡守石扁曰能知大義大中丞張扁曰貞烈可風
念巧宋本學禮生念國士次女許配玉塘吳元灼長
子名賢幼習書史在家孝養父母晨昏不懈未婚
夫卒女聞訃哭請殉烈父阻之曰爾素孝何忍輕
拋七旬老父荅曰女子義終從一罔極親恩來生

福清縣志

卷十六

烈女

三

報荅即拜辭往吳家撫尸痛哭從容囑曰予死縞
布寸板殮足矣勿圖華美重翁姑憂又謂其兄與
姊曰小心奉侍父母予九
京曠日語終投繯而逝
雍正五年邑侯張爲請
旌表進節孝祠

傅玉宋方輿里蔣溪傅春萱女許字在坊進士陳彝
輝仲孫恭悅未于歸悅得書療病女聞喊殮願代
延兩載悅卒夫翁秘不與聞數日悅靈至其家女
與母同夢驚駭詢知奔喪即欲殉夫翁緩以期年
至小祥始媿又力勸以終喪蓋欲回其心使不死

也氏于大祥三日前卽絕飲食至期洗櫛出拜奠
畢遂入戶自縊皆康熙丁酉三月二十九日

莫招宋遵義里人許聘國子生林明卿之子載彤年
十九未婚而彤卒女聞訃奔喪潛備死具家人密
爲防越三日求爲立嗣曰夫事已畢義不可偷生
防亦何益遂拜辭諸親從容投縊以殉乾隆丙寅
季冬邑侯饒爲請

旌表

余翼官時和里登瀛太學生余益友女許配本邑遷
居候邑光祿坊庠生陳溥男儒士廣業業力學病

福清縣志

卷十六

烈女

三

卒女年十九聞訃卽欲奔殉母止之曰吾孀居汝
伴我可也女曰兒陳家婦當往歸陳門因聽其奔
喪至則登堂拜廟及姑撫夫尸痛哭家始密防之
女不言死次日防少息遂入房投縊自盡邑侯沈
代請 撫憲盧題請建坊候邑入節孝祠

吳謐官文興里舉人吳士璠男樂生名馴女幼許配
時和里張可祿子士植結褵有期士植丁外艱未
娶雍正乙巳八月十三日病篤身故父母秘不使
知黃昏後烈房外聞有聲燈影中若有人離立其

前尋滅無見詢其母乃知夫死卽于次日素服奔喪撫尸痛哭從容自經邑侯張請祀節孝祠

蔡西宋萬安里漁溪蔡汝燾次女許配鄭元乾男孔涇女十九未字聞夫病鬱鬱不樂雍正乙巳二月二十三日夫卒聞訃更衣哭請殉父母親屬咸止之決欲往遂于次日到夫家且囑曰死吾分也棺衾從儉毋多費含笑登臺投縵以殉邑侯張爲請祀節孝祠

王招弟平北下里王典學長女卽故儒士鄭萬懋妻

福清縣志

卷十六

烈女

三

婚妻也幼嫻內則賦性貞勤在父家敬事父母不敢怠未于歸而夫卒聞訃卽曰兒鄭家婦也誓死從夫難永侍父母側遂于次日起鄭門禮翁姑哭拜夫靈投縵自經邑侯張爲祀節孝祠昔雍正壬子年

楊水娘莆田人楊進女父自莆移居海壇年老無嗣許養海壇鎮標左營兵丁劉沐爲妻于歸已有如雍正十年四月臺灣克番跳梁沐以精壯挑往征番本年九月在南坎軍門病故十月凶問至女赴

夫家哭奠擇夫姪爲嗣隨卽自經時十二月十一日邑侯張請祀節孝祠以旌其節

林家宋新安里諸生林銷仲女明經士竑胞妹許字永賓里孝廉李雲錦長子有純女性慧而莊七歲能吟咏不苟言笑動合禮度年十八純以質弱苦讀多病故婚禮未舉雍正癸丑六月八日純病卒女聞訃絕粒數日固請就烈會繼母病危在旦夕女素孝謹能奉侍父諭之曰爾之烈得矣母乃重若母戚以速其亡乎女勉侍湯藥不復敢言殉然

福清縣志

卷十六

烈女

卅

自是日僅一餐飯數匕以悅堂上意無何母歿女又請烈父以母喪爲辭曰當俟喪畢給守節資送爾歸李多方曲譬女不得遂所志憂鬱益加瘠毀屢嘔心血甲寅六月夫喪已及其女撫時增慟潛閉戶自經家人覺而救甦父兄知烈之終難挽也乃許之女始復飲食然是時家人咸傷死別女漠不一動自擇十六日肩輿歸李不用鼓樂奢張至則謁家廟拜翁姑哭夫靈徑入內室言動雍容翁姑猶以守節苦勸女曰生死關頭早已自決此心

死已久矣此身毋以留爲至中夜就經距李歿甚
八日矣中丞盧爲請

旌建坊五龍街東首扁曰閨閣忠臣並進祀節孝祠
周凱官候官縣周昌臣女許配龍田施是曜長子魁
雍正甲寅魁應武童試院取招覆矣忽中寒卒女
聞訃入內沐浴更衣將赴施以殉父母阻之就於
寢堂告祖先畢乃拜其父母投繯死時年十七學
憲楊獎之題
旌建坊祀節孝祠

張月宋平北里張大風女許字化南坑邊翁惟樊次

福清縣志

卷十六

烈女

世

男繡侯未婚繡侯暴病卒女聞訃即告別父母奔
往夫家欲殉翁姑以家貧不能具棺斂辭女曰嬾
志已決死得同穴即以草簣斂亦所甚其遂求立
夫嗣視夫殯殮畢隨自經以殉觀者莫不流涕

林酉官逕江儒士林有昌長女許配柯嶼貢士陳拱
宸次男昌允允賦質微弱父母故遲其婚娶年二
十有二方請期是夜女夢兩仙鬟扶金輦下迎醒
異之而未敢言未幾允病劇遂改婚期女知其症
危請歸奉湯藥父阻之因自往省焉將旋而婿告

殂矣怏怏奔回不女告也女心領之唯以死誓父母及伯叔環泣勸解女從容怡色謝曰在昔請婚夕兒夢已先兆今得死期耳何相強爲遂昇至夫家行婦禮畢嗣入寢室撫夫屍嘆曰癯至是平命取香湯手盥浴衣被之曰魂少待同往復請爲傳容勸翁納室爲嗣續計是時父母猶泣勸其守節女愴然曰兒尚何依而苟活人世耶臨訣時囑衣衾勿費一絲葬所但覓一坏不可以遺骸滋翁累也遂入室投繯而逝昔乾隆丙辰邑士夫競以詩

文頌之

王富使南日里玉伯俊女許配光賢里許開先未婚夫卒女聞訃欲奔殉家人再三勸慰不從竟往夫家撫棺哭慟曰天平何亡之遽而不我少待也遂謁祖廟拜夫靈自經以殉其懇惻堅誠從容就義蓋本於天性云

高齊宋化北里高君德之女許聘于井得里何若夫將婚夫卒女欲奔殉父母不許後有媒來說婚女心知之恐父母勸其改絃也卽投繯以殉何家率

嗣男扶柩歸與若夫合葬于華山之麓

林朱宋逕江林士性之女許字在坊深巷生員陳常
夏男朝鴻年十九未于歸聞夫卒誓以死從家人
防之嚴乘其稍踈投繯以逝從夫合葬水南山

何蘭官時和里龍田何如菁女許字永福里林勝卿
年二十未于歸聞夫病卽憂鬱不樂康熙辛丑年

九月夫卒聞訃哭請殉父母力阻女絕食七日欲
縊數四知終不可回乃送歸林門爲夫立嗣畢遂從容投繯以殉邑侯張請

旌進祀節孝祠

福清縣志

卷十六

烈女

七

吳寶宋文興里玉塘吳大章女受聘林文卓長男紹
祖年十九未于歸聞夫病心抑鬱不敢言季冬十
二日凶問至欲往殉父母不能止翁姑遣人辭女
志愈決自擇十八日到林門拜祖哭夫謝兩姓親
屬含笑登臺以殉時雍正甲辰

徐淑徽庠生徐應聘女許配薛港遊擊薛士璉男沂
衍衍原任浙江撫標千總因父卒辭官運父櫬失
足水中而亡淑徽聞欲奔殉父母不許徽哭曰薛
郎亡水中我當于水覓其魂遂投井死年十九歸

薛葬焉

陳椒宋坑北甲陳茂亮女許陳華弟爲妻夫捕魚溺水死女聞信即自縊以殉

薛茂宋福唐文峰人許配遵義里林華哲未婚夫卒匿不與聞女知之歸卧內引刀絕吭家人知而奪之遂詣夫靈經死合葬于西洽北麓

論曰昔郭刺史云共伯蚤夭共姜矢志死而靡他此固操不二之心貞從一之義者也若女子之未字者雖有父母之命媒妁之言然迂輪未

福清縣志

卷十六

烈女

共

卜結褵未施一失所天甘與同死遠視共姜其節彌貞其心彌烈信然哉顧郭志紀烈女先後共二十五人閱今七十餘載據夫見聞所及者續紀之復得三十五人夫婉孌季女足旣不踰閩闕而文史之林亦不盡夙嫺也乃堅我一心挺我勁節至蹈夫鬚眉男子所難爲者趾踵相望焉殆其出於天性歟抑鄒魯之化所潛移而

默導者深歟

福清縣志卷十六終

